

Duke Croes di AVP:

Den Gobierno MEP a dicidi di privatiza SETAR!

Awe nan ta haci manera cu nan ta contra!

ORANJESTAD (AAN): "Den e reunion di 22 di September 1993, e partido MEP

a dicidi pa PRIVATISA SETAR ! No pa hacie inde-

pendiente. Ni pa e keda 100% di gobierno manera ta e caso awor. Bao punto 29 di e relato di e reunion oficial di Consejo di Minister di MEP e tempo ey, a dicidi di privatiza SETAR y pa encarga e minister di Transporte y Comunicacion pa haci esaki."

"Awe, e mes un MEP ta para manera yo no fui den accion y den parlamento ta grita cu kier bende patrimonio di Pueblo y cu nan di MEP ta contra di privatisacion. Pero e echo ta cu nan mes a DICIDI di haci esaki na 1993." Asina sr. Duke Croes di MEP ta declara.

PRIVATISACION: Segun Duke Croes privatisacion no ta nada malo. Pero den vocabulario hypocrita di MEP el a bira uno cu ta yena hende cu temor. Algun sindicato tambe tin un vocabulario semehante. Pero ora nan haya oportunidad di drenta un empresa y sinta riba stoel di e doño, nan no ta basila.

Riba esaki Duke Croes a sigui bisa: "Lidernan di MEP cu awe ta asina contra privatisacion a haci esaki cu ELMAR y SETAR sin ningun berguenza. E echo cu awe ainda GOBIERNO di Aruba no tin nada di bisa den WEB y ELMAR ta resultado di e maneho di MEP. Pero awe nan ta pretende di ta santo. Awe nan ta pretende di ta na fabor di trahadornan y di contra benta di patrimonio di Aruba. Pero cua ta e unico partido den historia di Aruba cu no solamente a bende patrimonio di Aruba, pero a bay di e leu ey pa REGALA esaki? Ningun otro cu MEP."

"Esnan cu awe ta grita y sclama di ta contra. E experto di laboratorio, sr. Rudy Croes bao presion a reconoce cu laboratorio ta yen di problema. Y nan no ta problemanan cu a nace ayera. Nan ta problemanan cu ta data di añanan atras. Problemanan cu a causa hopi dolor na pacientnan. Problemanan cu a costa pueblo masha hopi placa. Problemanan di organisacion cu a haci cu awe ainda tin mas cu 23 milyon Florin di placa di pueblo sin cobra ! Bao presion Rudy Croes ta reconoce awe cu mester reorganisa laboratorio. Pero e no tin e curashi di admiti cu e no sa con ni kico."

"Pasobra tanto tempo cu el a traha den laboratorio, di ta

bisa di ta papia pa e trahadornan, di ta tuma e salud di pacientnan na pecho y den gobierno di ta sali na interes di Pueblo y gobierno di Aruba. Pero den tur e añanan aki Rudy Croes no a tuma ningun iniciativa pa haci lo minimo. Mientras tanto e daño causa na pacientnan, na cuida di enfermonan, na cuida medico na Aruba, na placa cu a bay perdi. Y Rudy Croes y su partido no a haci net nada ! Awe cu e hypocresia, e cara di 'yo no fui' e ta bin protesta contra reorganizacion di laboratorio. Lo Bo a spera didje cu e lo para na fabor di reorganisa e laboratorio."

"Di duna su ex-coleganan mas satisfaccion den nan trabao. Cu e lo sali na interes di Aruba y percura pa haya e 23 milyon Florin cu lo por inverti dinobo den salubridad di nos pais, manera Minister Ike Posner ta haciendo. Pero ni Rudy Croes ni su partido, tin e forza moral, of e honestidad politico pa haci esaki. Pa interes partidista nan a scohe pa no papia berdad, pero pa lanta sentimentonan falso serca e trahadornan y Pueblo. Paso bra nan no ta bisa cu si sigui perde placa na laboratorio y si sigui den e forma bieuw y ineficiente di traha cu, ta mas caro so costo di cuida medico ta bay bira. Y cu ta for di caha di gobierno mes (placa di Pueblo !!) lo mester cubri e perdida aki. Honestidad y sinceridad no ta cosnan cu Rudy Croes y MEP conoce. E caso di SETAR y laboratorio ta bolbe demostra esaki!"